

典禮備考目錄

卷一

禮典上

卷二

禮典中

卷三

禮典下

卷四

朝賀

迎詣

救護

典禮備考

卷一 目錄

卷五

鄉飲酒

卷六

昏

卷七

喪

卷八

祭



典禮備考卷一

萬縣志局敬鐫

會典則例

祀典上

社稷壇

禮部則例凡直省府州縣各擇爽塏之地建

社稷壇均北向歲以春秋仲月上戊日為民祈報府州縣

皆正印官將事以各學教官糾儀生員充禮生省會

丞倅執事府州縣掾吏執事

儀注 直省祭

典禮備考

卷一 祀典上

社稷壇前期二日承祭陪祭各官各致齋於公所祭日豫

陳祭品每

神位前各帛一

黑色

劍二

和羹

簋二

黍稷

簋二

稗邊四

棗形鹽

豆四

韭菹鹿醢

爵三

共羊一

豕一

尊

一雞初鳴承祭官以下朝服咸集黎明贊引禮生二

人引承祭官詣盥洗所盥洗通贊禮生贊執事者各

司其事贊引者引承祭官至階前拜位立引班禮生

二人分引陪祭官文東武西各就拜位序立乃迎

神贊引者引承祭官升壇詣香案前司香跪捧香承

祭官三上香復位行三跪九叩禮陪祭各官皆隨行

禮奠帛初獻爵司帛捧篚進跪奠篚司爵捧爵進獻
爵奠正中皆退司祝禮生至祝案前跪承祭官暨陪
祭各官皆跪司祝讀祝畢詣 神位前跪安於案即
如初退承祭官及陪祭各官行三叩禮亞獻爵奠於
左終獻爵奠於右均儀如初獻乃徹僕送 神承祭
官行三跪九叩禮陪祭各官皆隨行禮司祝捧祝司
帛捧帛恭送瘞所承祭官轉立拜位西旁東面候祝
帛過復位引至望瘞位望瘞贊告禮成引退眾皆退
祝文 維某年月日某官某致祭於

典禮備考

卷一

祀典上

三

社稷之神曰維 神奠安九土粒食萬邦分五色以表封
圻育三農而蕃稼穡恭承守土肅展明禋時屆仲春
敬修祀典庶九九松柏鞞盤石於無疆翼翼黍苗佐
神倉於不匱尚饗

神祇壇

禮部則例凡直省府州縣各建

神祇壇於春秋仲月祭 天神 地祇及本境 城隍之

神在城文武皆與祭雩祭及祭厲均詣壇將事例同

儀注

神祇壇春秋仲月致祭設案一於壇正中南向 雲雨風
雷神位居中境內 山川神位居左 城隍神位居
右陳銅二簋二簋二籩四豆四案前設俎陳羊一豕
一又前設案一供祝版陳香盤一鑪一鐙二西設案
一陳帛七尊一爵二十有一陳福酒胙肉於尊俎之
次主祭官及陪祀官執事官序班並如祭 社稷壇
之儀引班引贊通贊及執事諸人以次序立贊明引
班引陪祭官人引贊引主祭官入通贊贊執事者各
司其事贊就位引主祭官至階下盥手就拜位立陪
祭官按班就東西拜位立均北面迎 神上香讀祝
行三獻禮飲福受胙如儀餘與 社稷壇同
祝文 維某年月日某官某致祭於

雲雨風雷

山川城隍之神曰維 神贊襄天澤福佑蒼黎佐靈化以
流行生成永賴乘氣機而鼓盪溫肅攸宜磅礴高深
長保安貞之吉憑依鞏固實資捍禦之功幸民俗之
殷盈仰神明之庇護恭修歲祀正值良辰敬潔豆籩
祇陳牲幣尚饗

禮部則例孟夏後諏吉行常雩禮陳設儀注同前若
歲間不雨守土長吏諏宜祀之辰具祝文隨時撰擬備脯
醢果實香帛尊爵鑪鐙之屬率屬素服祈禱行禮儀
節與常祀同既應而報陳設牲牢朝服行報祀禮並
新祀同

常雩祝文 恭膺

詔命撫育羣黎仰體

彤庭保赤之誠勸農勤稼俯維蔀屋資生之本力穡服
田令甲爰頒肅舉祈年之典惟寅將事用申守土之

典禮備考

卷一

祀典上

五

忱黍稷惟馨尚冀昭明之受賜來牟率育庶俾豐裕
於蓋藏尚饗

乾隆七年定旱歲祭雩祈雨潦則祭城門祈晴其禮
俱同雩祭既應而報祀禮均同

祝文 具官恭承

詔命臨民職司守上惟兆人之攸賴並藉神功冀四序之
調和羣蒙福蔭必使雨暘應候爰占物阜而民安庶
幾寒燠攸宜共慶時和而歲稔仰靈樞之默運聿集
嘉祥勳元化以流行俾無災害尚饗

厲壇

禮部則例每歲三月清明節七月望十月朔日祭厲壇於城北郊前期守土官飭所司具香燭公服詣神祇壇以祭厲告本境

城隍之神上香跪三叩興退至日所司陳羊二豕三米飯三石尊酒楮帛於祭所設燎爐於壇南黎明禮生奉請

城隍神位入壇設於正中香案一爐燈具贊禮生二人引守土官公服詣神位前贊跪守土官跪贊上香

典禮備考

卷一

祀典上

六

守土官三上香贊叩興守土官三叩興退執事者焚楮帛守土官詣燎爐前祭酒三爵退禮生仍奉

城隍神位還神祇壇退

告文 遵依禮部劄爲祭祀本境無祀鬼神事欽奉皇帝聖旨普天之下后土之上無不有人無不有鬼人鬼之道幽明雖殊其理則一故天下之廣兆民之眾必立君以主之君總其大又設官分職爲府州縣以各長之又於每百戶設一里長以統領之上下之職綱紀不紊此治人之法如此天子祭天地神祇及天下

山川王國各府州縣祭境內山川及祀典神祇庶民祭其祖先及里社土穀之神上下之禮有等第此治神之道如此尚念冥冥之中無祀鬼神昔爲生民未知何故而沒其間有遭兵刃而損傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害死者有爲凍餓而死者有爲戰鬪而殞身者有因危急而自縊者有因墻屋傾頽而壓死者有遠行征旅死未歸籍者有死後無子孫者

此等鬼魂或終於前代或沒於後世或兵戈擾攘流移他鄉或人烟斷絕久缺其祭姓氏泯沒於一世祀典無聞而不載此等孤魂死無所依精魄未散結爲英靈或依草附木作爲妖怪悲號於星月之下呻吟於風雨之時凡遇人間令節心思陽世魂杳杳以無歸身墮沉淪意懸懸而望祭典言及此憐其慘悽故勅天下有司依時享祭在京都府有秦厲之祭在王國有國厲之祭在府州有郡厲之祭在各縣有邑厲之祭在一里又各有鄉厲之祭期於神依人而血食人

敬神而知禮仍命本處城隍以主此祭欽奉如此今
某等不敢有違設壇於城西以某月某日設備牲醴
羹飯專祭闔境內無祀鬼神等眾靈其不昧來享此
祭尚饗

先農壇

禮部則例凡直省府州縣各建

先農壇歲以三月亥日致祭省會以總督或巡撫主祭有
故則布政使攝陪祭文武官及各執事均與祭 社
稷壇同

典禮備考

卷一 祀典上

八

儀注 直省祭

先農壇以三月亥日主祭陪祭執事各官前期二日各致
齋於公所掃除壇壝內外祭日雞初鳴執事人入設
先農神案於壇正中南向陳銅一簠二簋二籩豆各四案
前設俎陳羊一豕一豝前設香案一陳祝文香盤爐
鐙左設一案東向陳帛一尊一爵三陳福酒胙肉於
尊俎之次設盥洗於階下之東質明引班引陪祭官
入引贊引主祭官入通贊贊執事者各司其事贊就
位引主祭官至階下盥手就拜位立陪祭官按班就

東西拜位立均北面迎神上香讀祝行三獻禮飲
福受胙如儀餘與社稷壇同

祝文 維某年月日某官某致祭於

先農之神曰維 神肇興稼穡粒我蒸民頌思文之德克
配彼天念率育之功陳常時夏茲當東作咸服先疇
洪惟 九五之尊歲舉 三推之典恭膺守土敢忘
勞民謹循彝章聿修祀事惟願五風十雨嘉祥恆沐
神庥庶幾九穗雙歧上瑞頒書大有尚饗

禮部則例直省耕藉督撫以下與祭官皆朝服致祭

典禮備考

卷一

禮典上

九

先農禮畢各官易蟒袍補服詣藉田通贊贊行耕
藉禮督撫以下就耕所執事者授耒耜與鞭皆右秉
耒左執鞭進耕督撫以府佐貳官一員執種箱一員
播種布政使按察使以首領官執箱播種各道以州
縣佐貳官執箱播種知府知縣以丞史執箱播種皆
耆老一人牽牛農夫二人扶犁各九推九返畢釋鞭
耒以次序立田首西面北上農夫遂終畝告畢事各
官望

闕立通贊贊齊班引班分引督撫以下至香案前按班

序立重行北面耆老農夫少遠列行北面隨立贊跪
叩興行三跪九叩頭禮興各退若府不附省州縣衛
不附府者正印官率佐貳丞史耕藉各以耆老二人
執箱播種餘與省會同

勾芒之祀 春在十二月望後芒神執策當牛肩在正月朔後當牛腰在正月望後當牛膝

先立春一日長官朝服率僚屬於東郊祀勾芒之神
禮畢迎春歸駐署儀門外至日各官朝服祭勾芒用
牲果酒醴四拜禮畢長官擊鼓三聲執彩鞭率各官
環擊土牛者三鄉人競取其土以為宜年

典禮備考 卷一 祀典上 十

迎春祝文維 神司令元春參贊化育祛除寒威漸
回溫煥雨順風調禾登麥熟百穀順成羣黎蒙福今
於某日恭詣東郊先期迎神駕敢告

鞭春祝文

化功造物無私勿愆雷動風散雨潤日暄以時宣布
歲則有年民維邦本食乃民天四時之序春令為先
敢告尊神發動春鞭